

S. thymi Sign. simillimus et valde affinis, nisi solum ejus varietas, antennarum articulo secundo fere graciliore et paullo longiore fasciaque anteriore corii in clavum breviter prolongata distinctus videtur. Caput basi pronoti circiter $\frac{1}{4}$ angustius, latitudine cum oculis parum longius, vertice oculo circiter $\frac{2}{5}$ latiore. Antennæ fere ad tertiam partem apicalem oculorum interne insertæ, articulo primo oculo longitudine æquali. Pronotum annulo apicali basi circiter $\frac{3}{5}$ angustiore, disco versus apicem valde declivi. Scutellum parte apicali convexiuscula. Hemielytra nigro-fusca, opaca, basi corii et clavi, margine laterali, margine corii commissurali anguloque ejus externo nec non cuneo nitidis; corio fasciis duabus albis, altera latiore ante medium, altera apicali augulum corii interiore non attingente, illa margine superiore leviter obliqua, interne dimidio superiore in clavum breviter prolongata; membrana fusca. Tarsi postici articulo secundo tertio multo longiore.

4. *Læmocoris Costæ* n. sp.

Fuscus, superne parcius breviter flavicanti-setulosus, antennis luteo-testaceis, articulo primo albido, dimidio basali margineque apicali sanguineo-fuscis; rostro, articulo primo excepto, apice coarctatum, tibiis tarsisque lutescenti-albidis; hemielytris clavo concolore, corio maculis duabus albis, altera basali triangulari postice medium attingente, altera apicali quadrangulari; disco pronoti et parte apicali scutelli sat leviter convexis.—Lon., ♂, $3\frac{3}{4}$ mill.

Ægyptus, Minieh; unicum marem communicavit D. Prof. Costa (Mus. Neapolit.).

Corpus superne parum nitidum. Caput subverticale, basi pronoti duplo angustius, ab antico visum latitudini cum oculis æque longum, vertice linea longitudinali impressa instructo, oculo circiter $\frac{2}{3}$ longiore, a latere visum altitudini longitudine æquale, fronte sat fortiter convexo-declivi, clypeo fortiter prominente, perpendiculari, angulo fasciali recto, gula brevi, sat bene distincta, obliqua. Rostrum articulo primo basin xyphi prostethii paullo superante. Antennæ articulo primo apicem clypei superante, articulis reliquis linearibus, secundo primo circiter quadruplo longiore, 3^o, 2^o fere $\frac{1}{4}$ breviora. Pronotum latitudine basali vix magis quam $\frac{1}{6}$ brevius, lateribus sinuatis, basi quam apice paullo magis quam duplo latius, margine basali latissime sinuato, annulo apicali lateribus optime medio autem obsolete discreto, disco versus apicem minus fortiter convexo declivi. Scutellum parte basali fortiter declivi, apicali leviter convexa. Hemielytra setulis nitidulis semi adpressis